

## Yucatec - Quili'ich Dzíibo' - Protection Scriptures

Jeremías 1:18 Bejela'e' quin dzáic ti' teech muuk beyech caaj bakpachta'an tu tuulume', beyech jun p'éel ocom fierro u ca'aje', beyech tuulum bronce u ca'aje', u ti'al a wa'atal j t'aan tu táan tuláacal u caajilo'ob Judá: ti' u ajawilo'ob, u nuuquilo'ob, u aj kiino'ob, yéetel tuláacal u cajnáalilo'ob.

Ezequiel 3:18 Ma' xan ca in wa'al u t'aanilo'ob xot kiin tu yo'olal jun túul loolob wíinique'; ba'ale', wa teeche ma' ta wa'alic mix ba'al ti' le j loolob wíinico', u ti'al a ka'ajsic u yiik tu yo'olal u p'atic u j loolob cuxtal u ti'al ma' u quíimil, leti'e' bín quíimic tu yo'olal u keban, ba'ale' bín in káat ca a cáant ba'ax ta beetaj tu yo'olal ma' u quíimil.

Jeremías 6:27 Yuumtzile' tu ya'alaj ti' teen: Quin kubentic ti' teeche ca a túunt in caajal. Xakal ile', ca wil bix u cuxtal.

Levítico 26:19 Bín in tzel a ca'anal ichile'ex; yaan in beetic u jáawal u káaxal ja' yéetel u ch'éenel u yantal u yich u che'ilo'ob káax.

Deuteronomio 23:5 Yuumtzil a Kuexe' ma' tu yóoltaj u beet ba'ax cu ya'alic Balaami', ba'ale' tu sutaj qui' t'aanil u loolob t'antique'ex tumen u yaabiltmaje'ex.

Romanos 12:21 Ma' a cha'ic u dzáancha'atiquech le kaaso'. Ba'ale' dzáancha'at le kaas yéetel le utzo'.

Salmos 143:8,10 Dzáa teen in wojéelt a yaacunaj ti' le ja'atzcabkiino'obo', tumen ti' teeche in dzaamaj in kub óolal. Beet in wojéeltic bix unaj in cuxtal, tumen ti' teeche quin dzáic a wojéelt in dzíbolalo'ob. 10 Ca'ans ti' teen in beet ba'ax a káati, tumen teeche in Ku.

Salmos 94:12 Yuumtzil utz yanil le máax ca wa'alic u nu'uc ti' yéetel ca dzáic ti'e' a ca'anbesajo'ob

Proverbios 27:12 Aj ojéelaje' cu yilic u taal quíimile' cu tzelicubáa; j ma' ojéelaje' cu bin tu tojil, cu jéentanta'al tumen le loobo'.

Filipenses 2:16 le quéen a bise'ex ti'oibe' u ma'alob péectzilil cuxtal. Beyo', le quéen taalac Cristoe', tene' cu páajtal u qui'imactal in wóol ta wo'olale'ex, tumen in wojel ma' chéen cunel tin wáalcabtaj le bejo', yéetel ma' chéen cunel meyajnajeni'.

Isaías 49:4 Tene' dzo'oc ca'ach in tucultic: Chéen cunel úuchic in máansic óotzilil, mix ba'al u biilal úuchic in xupic in muuk. In tocsajile' ti' yaan tu kab Yuumtzile', in bo'olale', ti' yaan tu kab in Kue'.

Salmos 76:3 te'elo' tu cachaj u nuuquilo'ob le ba'atelo': chimalo'ob máascabob yéetel julubo'ob.

Hebreos 13:21 ca u nu'ucte'ex ma'alob u ti'al tuláacal utzil meyaj, u ti'al ca a beete'ex ba'ax u káat leti'; yéetel ca u beet leti' ti' tuláacalo'one' le ba'ax utz tu t'aane' tu yo'olal Jesucristo. ¡Nójbe'enil ti' Cristo u ti'al kiino'ob mina'an u xuul! Amén.

1 Corintios 16:15 Sucu'une'ex, te'exe' a wojele'exe' u láaktzilo'ob Estéfanos leti'ob tu yáax ocsaj óolto'ob le ma'alob péectzil tu lu'umil Acaya, yéetel leti'obe' u

dzaamajo'ob u yóolo'ob u meyajto'ob le sucu'uno'ob ti' le ocsaj óolalo'.

Filipenses 1:27 Chéen il a wile'exe' ca cuxlaque'ex je'el bix cu ya'alic to'on u ma'alob péectzil Cristoe'. Beyo', quex ca xi'iwen in wile'ex, wa quex náach yanene', in káat ca kuchuc teen u péectzilile' te'exe' jeedzel a wanile'ex ti' jun p'éelili' óol, táan a múuch' ba'atele'ex tuláacale'ex tu yo'olal u yocsaj óolalil le ma'alob péectzilo',

1 Corintios 15:58 Le o'olale', in yaabilaj sucu'une'ex ca p'áataque'ex yéetel muuk ma' u péec a wóole'ex, meyajnene'ex asab ya'ab mantadz ti' u meeyjul Yuumtzil; tumen te'exe' a wojele'exe' le meyaj ca beetique'ex jun múuch' yéetel Yuumtzile' ma' chéen cuneli'.

Colosenses 4:12 Cu túuxtic te'ex tziquil t'aano'ob Epafras, jun túul u palitzil Cristo, máax jun túul ti' te'ex. Leti'e' mantadz cu káat óolal ta wo'olale'ex ich payalchi', u ti'al ca mu'uka'anchajac a wóole'ex yéetel ca utzil kubaba'ex u ti'al a beetique'ex ba'ax u káat Ku.

2 Reyes 19:34 Teen bíin in canant le caaja' teen xan bíin in toque', tu yo'olal máax David in palitzil yéetel tin wo'olal.

Jeremías 15:20,21 Teen bíin in beet ca béeychajaquech u ti'al le caaja' bey je'el bix jun p'éel u pakil bronce, talam u pa'abal u muuk. Bíin u ba'ateltecho'ob, ba'ale' ma' bíin páataco'ob ta wéeteli', tumen téene' ti' yanen ta wéetel u ti'al in toquech yéetel u ti'al in jáalkabtech. Teen Yuumtzil, teen a'alic ti' teech. 21 Bíin in jáalkabtiquech ti' u páajtalil le j loolob máaco'obo', ¡Bíin in toquiquech ti' u páajtal le j loolob quíimico'obo'!

Salmos 55:18 Ti' le ba'atelo'obo' yaan u toquiquen, yaan u toquic in cuxtal, Quex tumen sen ya'ab in aj p'eeeo'ob.

Ezequiel 30:24 Bin in ca'aj in dzáa muuk tu kab u ajawil Babilonia, yéetel bin in ca'aj in dzáa in máascab tu kab. Bin in ca'aj in cach u baaquel u muuk u kab faraón, leti' túune' bíin u yil loobilta'an tu táan u aj p'eeec.

Apocalipsis 3:18 Le o'olale' quin tzol xiquintiquech ca a man ti' tene' oro lúubsa'an u kaasil yéetel káak, u ti'al beyo' ca ayikalchajquech tu jaajil; ca a man xan ti' tene' sac nook u ti'al a búucbesicabáa u ti'al ca a bal beyo' u subtotalil a chacnulil; ca a man xan colirio u ti'al a dzáa ta wicho'ob u ti'al ca pacatnaquech.

1 Juan 3:17 Tumen wa yaan jun túul máac yaan lu'umcabil ayikalil ti', cu dzo'ocole' cu yilic u yóotzilil u sucu'une' ba'ale' ma' tu ch'a'ic óotzilil ti'e' ¿bix je'el u ya'alic wa yaan u yaacunaj Ku tu pucsi'ikale'?

Isaías 50:4 Yuumtzile' dzo'oc u tzol xiquintic ti' teen u ti'al ca xi'iwen in cho'o' u ya'alil u yich le máaxo'ob cananta'aco'ob yéetel u t'aanilo'ob dzáa óolal. Sáamsamal ja'atzcab kiin cu beetic in ch'en xiquin u ti'al ca chinlaquen in wu'uy u t'aan.

Salmos 18:39 Teech máax dzáa ti' teen muuk ichil le ba'atelo'; ta beetaj u chintalo'ob tin táan le ma' u'uyaj t'aano'obo';

2 Samuel 22:40 Teche' ta mu'uka'ancuntajen u ti'al le ba'atelo'; ta beetaj u chíinpooqtquen le j ma' u'uyaj t'aano'obo',

Salmos 89:43 Ta líikesaj u yej u mascab ma' xan ta wáantaj ti' le ba'atelo'.

Ezequiel 13:6 U náayo'obe' ma' jaajtaco'obi', u bóobato'obe' chéen tuus. Cu ya'alico'ob táan u t'aano'ob tin kaaba'e', ba'ale' tene' ma' in túuxto'obi'. ¡Quex beyo' táan u pa'atico'ob u yúuchpajal ba'axo'ob u ya'almajo'ob!

Levítico 26:37 bín a jéentantaba'ex óoli' bey táan a púudzule'ex ti' ba'atele', quex mix máac ch'a'apachtique'ex; ¡mix jun túul ti' te'ex bín páatac u yantal actáan ti' u aj p'eeco'obi'!

1 Corintios 14:8 Yéetel ti' le ba'atelo'obo' wa ma' tu na'ata'al ba'ax cu paxic le trompetao', mix máac cun u líiksubáa u ti'al le ba'atelo'.

Job 15:24 Cu sajbe'encuunsa'al tumen le éekjoche'enilo', cu téec chu'ucul tumen le yaj óolal yéetel tumen loolob óolal, je'el bix u yúuchul ti' máaxo'ob cu ba'atelta'alo'ob tumen jun túul ajawe'.

1 Crónicas 12:8 U ch'i'ibalo'ob Gade', j máan xan dze'edzec u j xiibilo'ob tu tzéel David ca'aliquil ti' yaan te j tuulum yaan x tocoy lu'umo'. Leti'ob ca'ache', j xiixib máaco'ob, ca'anbesa'ano'ob u ti'al j ba'atel, u ch'a'amajo'ob xan u chimalo'ob yéetel u x lóomte'ob. Beyo'ob ca'ach leóono'ob cu yáalcabo'ob j káax tu paach quéeje'.

1 Crónicas 12:33,38 Ti' u ch'i'ibalo'ob Zabulone', cincuenta mil aj ba'atelo'ob u nu'ucbesmajuba'ob, yaan tuláacal u jejeláasil u nu'ucul u ba'atelo'ob, chuca'an u yóolo'ob u yáanto'ob David. 38 Tuláacal le aj ba'atelo'oba', tu tzolajuba'obe', ca j bino'ob Hebrón tu jaajil u yóolo'ob u ti'al u culquinto'ob David u ti'al u ajawil Israel; cu dzo'ocole', tuláacal u chuucáan le j israelitaobo' tu tucultajo'ob xan tu jaajil u yóolo'ob tu culquintajo'ob David u ti'al u beet u ajawil.

Lucas 10:19 Tene' dzo'oc in dzáic te'ex páajtalil u ti'al a pe'echa'aktique'ex cano'ob yéetel síina'ano'ob, yéetel u ti'al a t'onquinsique'ex máax p'ecmaile'ex. Mixba'al cu páajtal u beetic te'ex kaas.

2 Corintios 7:10 Tumen le yaayaj óolal cu mukyajta'al yéetel jun p'éel pucsi'ikal cu lúubul utzil ti' Kue', cu beetic u kexic u tuucul máac u ti'al ca to'ococ, le o'olale' mina'an ba'ax o'olal u yaatal u yóol máac. Ba'ale' le yaayaj óolal cu taal ti' yóokolcaabo' cu taasic quíimil.

2 Timoteo 2:25,26 Ca u jóoks ti' ma'alob bej yéetel cabal óolale' le máaxo'ob chich u pucsi'ikalo'obo', táan u alab óoltique' ca ke'exec u tuuculo'ob tumen Kue' yéetel ca u kaj óolto'ob u jaajil, 26 u ti'al ca ajaco'ob yéetel ca púudzuco'ob ti' le lóech tu'ux kala'ano'ob tumen kasilba'alo' u ti'al u beetic tu yéetelo'obe' le ba'ax u káate'.

Nehemías 4:15 Le ca j ojéelta'ab tumen le aj p'eeco'ob táan c pa'atico'ob, yéetel dzo'oc u pa'abal u jok jo'olo'ob tumen Kue', tuláacalo'on suunajo'on te j tuulomo', ca t ca'a ch'a'a jo'oltaj c meyaj.

Salmos 73:24 ta nu'uctaj in cuxtal yéetel a tzol xiquino'ob; le quéen kuchuquen tu xuule' yaan a kamiquen yéetel tziiquilo'ob.